

Broj: 03-02-5-7933/19  
Sarajevo, 06.11.2019. godine

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FBiH – DOM NARODA  
SARAJEVO**

Bosna i Hercegovina  
Federacija Bosne i Hercegovine  
PARLAMENT FEDERACIJI  
SARAJEVO

Primijeno:	13-11-2019		
Org. jed.	Broj	Priloge	Vrijednost
05/2	- 02 -	184/19	

N/p. g-din. Izmir Hadžić, sekretar

**PREDMET:** Odgovor na delegatsko pitanje, dostavlja se

**VEZA:** Vaš broj: 05/2-02-184/19 od 09.10.2019. godine

Dana 15.10.2019. godine, dostavili ste na odgovor Federalnom ministarstvu finansija-financija obnovljeno delegatsko pitanje izaslanika g-dina. Borisa Krešića, kojim imenovani (nezadovoljan odgovorom koji je ovaj organ dao svojim aktom broj: 03-02-5-5934/19 S.O. od 01.08.2019. godine), zahtjeva dodatno izjašnjenje ovog organa na ranije delegirano pitanje:

„Zašto prilikom odlučivanja o žalbama na rješenje Porezne uprave o pravu na lični odbitak građani čekaju godinu ili dvije da bi se odlučilo po njihovim žalbama čime se striktno krše zakonski propisi Federacije BiH, te Ministarstvo je dužno odgovoriti u roku od 30 dana? Zašto se krše zakonski propisi i ko u Ministarstvu finansija odgovara za nepostupanje prema građanima?“

U vezi sa navedenim delegatskim pitanjem, ovaj organ (u smislu dopune svega što je navedeno u aktu od 01.08.2019. godine, koji je dostavljen delegatu g-dinu. Borisu Krešiću), čini sve da se rokovi za rješavanje predmeta po žalbama što više smanje i dovedu u zakonske okvire, svjesni važnosti blagovremenog rješavanja svih predmeta koji su dostavljeni ovom organu na postupanje.

Od važnosti je istaći da kada se broj novozaprimljenih i broj riješenih žalbi u toku jedne kalendarske godine stavi u korelaciju, proističe da je (u okviru trenutnog broja uposlenih službenika za rješavanje po žalbama u Odsjeku), postignuta dinamika rješavanja predmeta tako da se (skoro u cjelosti) riješava isti broj predmeta koliko ih je i zaprimljeno u toku jedne godine. Napominjemo da smo, svjesni svoje odgovornosti za neblagovremeno postupanje u pokrenutim žalbenim postupcima, uposlili dva službenika, a da je postupak za uposlenje druga dva službenika, u proceduri.

Međutim, konstantno kašnjenje u postupanju po predmetima iz okvira nadležnosti Odsjeka, posljedica je obaveze istog da se rješavaju hronološki stariji predmeti, koji datiraju iz predhodnih godina (npr. trenutno su u fokusu interesovanja predmeti koji su zaprimljeni u 2016. godini), kao i činjenica da su nerijetko u pitanju predmeti većeg stepena složenosti i odgovornosti, jer se radi o višemilionskim obavezama.

No, od prioritarnog značaja za odlučivanje o žalbama su one na koje su izjavljene urgencije od strane upravnih inspektora, ombudsmena ili opravdanih urgencija izjavljenih od poreznih obveznika (u slučaju likvidacije ili stečaja privrednog subjekta, u slučaju kada žalba odlaže izvršenje ožalbenog rješenja i sl.), te predmeti koji su vraćeni na ponovno odlučivanje ovom organu, po osnovu presuda kantonalnih sudova.

Bez namjere da umanjimo odgovornost ovog organa za nepostupanje u rokovima pripisanim Zakonom o upravnom postupku („Sl. Novine FBiH, broj: 2/98 i 48/99), važno je istaći da se prema odredbama čl. 243. istog Zakona veliki broj predmeta, nedovoljan broj službenika i sl., smatra opravdanom neažurnošću i u tim slučajevima Zakon dozvoljava duži rok za postupanje.

Konačno, u kontekstu svega navedenog, ističemo da ovaj organ permanentno radi na stvaranju uvjeta za osposobljavanje i dodatno upošljavanje kadrova (u skladu sa mogućnostima), kako bi se u što kraćem vremenskom periodu dovelo do smanjenja broja neriješenih žalbi i ostvarila dinamika rješavanja istih u zakonom propisanim rokovima.

S poštovanjem,

**MINISTRICA**  
**Jelka Miličević**

